



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU **LIBERALNO DEMOKRATSKE STRANKE BIH**

Broj: 03-07-6-379/20  
Sarajevo, 29.09.2021. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1 NALAZI .....	5
5.2 PREPORUKE .....	9

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Liberalno demokratske stranke BiH za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2019. godinu, utvrđeno je da je Liberalno demokratska stranka BiH prekršila odredbe člana 4. stav (1), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Liberalno demokratske stranke BiH za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Liberalno demokratska stranka BiH finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	60,00	0,18
2.	Prilozi fizičkih lica ( 3-a )	4.050,00	11,96
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	3.281,52	9,69
7.	Prihodi iz budžeta ( 3-f )	25.175,03	74,35
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>32.566,55</b>	<b>96,18</b>
<b>II</b>	<b>Ostali prihodi i drugo</b>	<b>1.291,00</b>	<b>3,82</b>
	<b>Izvori finansiranja (I+II)</b>	<b>33.857,55</b>	<b>100,00</b>

U godišnjem finansijskom izvještaju za 2019. godinu, Liberalno demokratska stranka BiH je iskazala rashode u ukupnom iznosu od 40.645,48 KM.

## 2. PREDSTAVLJANJE POLITIČKE STRANKE

Naziv političke stranke je Liberalno demokratska stranka BiH. Skraćeni naziv je LDS BIH.

Liberalno demokratska stranka BiH je registrovana kod Kantonalnog suda u Sarajevu, Rješenjem broj: R-1-2/00 od 03.07.2000. godine, sa sjedištem u Sarajevu, Maršala Tita 9a. Naknadno je izvršen upis stranke u registar Općinskog suda u Sarajevu, Rješenjem broj: 065-0-F1-10-000009 od 17.06.2010. godine i promjena osobe ovlaštene za predstavljanje i zastupanje stranke, Rješenjem broj: 065-0-F1-12-000017 od 31.05.2012. godine.

Lice ovlašteno za zastupanje stranke u 2019. godini je Hasib Salkić, predsjednik stranke<sup>1</sup>.

Lice ovlašteno za podnošenje finansijskih izvještaja za 2019. godinu je Azra Dramalija.

Prema podacima iz godišnjeg finansijskog izvještaja za 2019. godinu, Liberalno demokratska stranka BiH ima sljedeću organizacionu strukturu:

- Centralni ured LDS BiH u Sarajevu,
- Mladi liberali BiH,
- Kantonalni odbor LDS BiH Goražde,

<sup>1</sup> Rješenjem Općinskog suda u Sarajevu, broj: 065-0-F1-19-000002 od 27.08.2019. godine, kao lice ovlašteno za predstavljanje i zastupanje Liberalno demokratske stranke BiH upisan je Hasib Salkić.

- 18 općinskih odbora LDS BiH i
- Organizacioni dio LDS BiH u Brčko distriktu BiH.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Liberalno demokratske stranke BiH za 2019. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Liberalno demokratske stranke BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava. Obim kontrole je ograničen jer stranka nije dostavila poslovne knjige i dodatnu dokumentaciju.

### **4. PRETHODNE KONTROLE I REVIZIJE**

Služba za reviziju je izvršila pregled i reviziju finansijskih izvještaja Liberalno demokratske stranke BiH u periodu od 2005. do 2018. godine, nakon kojih su izdati izvještaji revizije, odnosno izvještaji o pregledu sa mišljenjem revizora, nalazima revizije i preporukama političkoj stranci.

Nakon izvršenog pregleda godišnjeg finansijskog izvještaja za 2018. godinu, stranci su date preporuke: da finansijska sredstva osigurana za finansiranje političke stranke koristi u skladu sa svojim programom utroška, da poslovne knjige vodi u skladu sa računovodstvenim propisima i poštuje računovostvena načela, da uspostavi potpune i tačne evidencije o novčanim tokovima, rashodima i obavezama političke stranke, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da dostavlja dodatnu finansijsku dokumentaciju koju od nje zatraži Centralna izborna komisija BiH.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka nije ispoštovala preporuke revizije.

### **5. NALAZI I PREPORUKE**

#### **5.1 NALAZI**

##### **a) Liberalno demokratska stranka BiH prekršila je odredbe člana 4. stav (1) Zakona o finansiranju političkih stranaka.**

U finansijskom planu za 2019. godinu, koji je dostavila Centralnoj izbornoj komisiji Bosne i Hercegovine, Liberalno demokratska stranka BiH planirala je ukupne rashode u iznosu od 30.500,00 KM.

Prema podacima iz godišnjeg finansijskog izvještaja stranka je ostvarila rashode u ukupnom iznosu od 40.645,48 KM, što ukazuje na činjenicu da je stranka ostvarila troškove u većem iznosu za 10.145,48 KM u odnosu na planirane.

Analizom strukture iskazanih troškova na obrascu 4.1 (režijsko-administrativni i ostali troškovi) i Finansijskog plana rashoda za 2019. godinu, utvrđeno je da je stranka pojedine kategorije troškova ostvarila u većem iznosu u odnosu na planirane za ukupno 17.392,73 KM, kako slijedi:

- Troškove takse, novčanih kazni i slično planirala je u iznosu od 500,00 KM, a iste je ostvarila u iznosu od 16.735,90 KM, što je više od plana za 16.235,90 KM;
- Ostale troškove planirala je u iznosu od 500,00 KM, a iste je ostvarila u iznosu od 1.243,31 KM, što je više od plana za 743,31 KM; i
- Troškove zakupnina poslovnih prostora planirala je u iznosu od 9.000,00 KM, dok je iste ostvarila u iznosu od 9.413,52 KM, odnosno prekoračila je planirane troškove za 413,52 KM.

Pored navedenog, utvrđeno je da stranka u finansijskom planu za 2019. godinu nije planirala troškove reprezentacije, troškove grijanja, troškove komunalnih usluga, troškove održavanja opreme, troškove knjigovodstvenih usluga i humanitarne rashode, a iste je iskazala u finansijskom izvještaju u ukupnom iznosu od 4.889,27 KM. Naime, stranka je u finansijskom izvještaju iskazala troškove reprezentacije u iznosu od 1.505,32 KM, troškove grijanja u iznosu od 644,25 KM, troškove komunalnih usluga u iznosu od 110,20 KM, troškove održavanja opreme u iznosu od 116,57 KM, troškove knjigovodstvenih usluga u iznosu od 850,00 KM i humanitarne rashode u iznosu od 1.662,93 KM.

S obzirom da Liberalno demokratska stranka BiH nije finansijska sredstva utrošila u skladu sa Finansijskim planom rashoda za 2019. godinu, prekršila je odredbe člana 4. stav (1) Zakona o finansiranju političkih stranka.

**b) Liberalno demokratska stranka BiH prekršila je odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.**

Na osnovu obavljenog pregleda godišnjeg finansijskog izvještaja utvrđeno je da politička stranka u finansijskom izvještaju nije pravilno i tačno iskazala sve prihode, rashode i obaveze, nije godišnji finansijski izvještaj podnijela u zakonom propisanom roku, obrasce godišnjeg finansijskog izvještaja nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik) i nije dostavila svu traženu finansijsku dokumentaciju, čime su prekršene odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

- (1) Liberalno demokratska stranka BiH godišnji finansijski izvještaj za 2019. godinu nije podnijela u zakonom propisanom roku<sup>2</sup> i na način utvrđen Pravilnikom o godišnjim finansijskim izvještajima političkih stranaka, čime je prekršila odredbe člana 12. stav (4) Zakona o finansiranju političkih stranaka.

Politička stranka je godišnji finansijski izvještaj za 2019. godinu elektronski, putem aplikacije FI CIK BIH podnijela dana 24.04.2020. godine, a u čvrstoj kopiji dostavila Centralnoj izbornoj komisiji Bosne i Hercegovine dana 30.04.2020. godine.

- (2) U godišnjem finansijskom izvještaju na obrascu 2 (pregled prometa svih transakcijskih računa političke stranke) stranka nije iskazala tačne podatke o početnom stanju i stanju na dan 31.12.2019. godine na transakcijskom računu broj: 1606060000031442 kod Vakufske banke, čime je prekršila odredbe člana 11. Pravilnika.

---

<sup>2</sup> Stranka je godišnji finansijski izvještaj za 2019. godinu imala obavezu da podnese do 31.03.2020. godine.

U obrascu 2 stranka je iskazala početni saldo u iznosu od 2,32 KM, ukupan promet ulaza u iznosu od 5.296,08 KM, ukupan promet izlaza u iznosu od 5.296,06 KM i saldo na dan 31.12.2019. godine u iznosu od 2,34 KM.

Kontrolom izvoda sa transakcijskog računa stranke broj: 1606060000031442 utvrđeno je da stranka na dan 01.01.2019. godine nije imala sredstava na ovom računu, ukupan promet ulaza iznosio je 5.296,08 KM, ukupan promet izlaza 5.296,08 KM, te je krajnji saldo na dan 04.12.2019. godine iznosio 0,00 KM<sup>3</sup>. Činjenica da je stranka u godišnjem finansijskom izvještaju iskazala prihode iz budžeta Općine Jablanica u iznosu od 7.809,17 KM, a da su na dostavljenim izvodima evidentirane uplate iz budžeta ove općine samo u iznosu od 5.206,08 KM, ukazuje da Službi za reviziju nisu dostavljeni svi izvodi sa ovog računa, tj. da stranka nije iskazala tačan promet po transakcijskom računu broj: 1606060000031442.

Napominjemo da je stranka u obrascu 3-f godišnjeg finansijskog izvještaja iskazala prihode iz budžeta Općine Jablanica u iznosu od 7.809,17 KM, što odgovara podacima koje je dostavila Općina Jablanica kao i podacima iz Bilansa uspjeha ovog odbora za period 01.01.-31.12.2019. godine.

- (3) Na osnovu podataka koje su dostavili organi izvršne vlasti, iz čijih budžeta je finansirana Liberalno demokratska stranka BiH, utvrđeno je da stranka nije u godišnjem finansijskom izvještaju prijavila prihode iz budžeta Općina Doboj-Istok, čime je prekršila odredbe člana 13. i 19. Pravilnika.

Na osnovu podataka koje je dostavila Općina Doboj-Istok<sup>4</sup>, utvrđeno je da su za finansiranje Liberalno demokratske stranke BiH u 2019. godini iz budžeta ove općine isplaćena sredstva u iznosu od 840,00 KM.

Općinski odbor stranke Doboj-Istok je svojom odlukom navedena sredstva donirao Udruženju građana STK SPIN Doboj-Istok.<sup>5</sup>

Politička stranka je bila obavezna navedena sredstva evidentirati u poslovnim knjigama i finansijskom izvještaju kao prihod iz budžeta u iznosu od 840,00 KM, a datu donaciju udruženju kao trošak stranke u iznosu od 840,00 KM.

Neprijavlivanjem date donacije u finansijskom izvještaju na obrascima 4. (rashodi političke stranke) i 4.1 (režijsko-administrativni i ostali troškovi) stranka je prekršila odredbe člana 21. i 22. Pravilnika.

- (4) Na obrascu 3. (izvori finansiranja) stranka je iskazala ostale prihode u iznosu od 1.291,00 KM.

Kontrolom podataka o prihodima iskazanim u Prilogu uz obrazac 3. i uvidom u izvode sa transakcijskog računa, utvrđeno je da je stranka priloge fizičkih lica manje od 100,00 KM i članarine za Centralni ured u ukupnom iznosu od 1.291,00 KM iskazala kao ostale prihode, čime je prekršila odredbe člana 13. i člana 14. Pravilnika.

Stranka je imala obavezu da priloge fizičkih lica manje od 100,00 KM iskaže na obrascu 3-a (prilozi fizičkih lica) finansijskog izvještaja, a prihode o članarine u obrascu 3 kao članarine.

- (5) Podaci o rashodima koje je stranka iskazala u godišnjem finansijskom izvještaju ne odgovaraju podacima iz bilansa uspjeha koje su Centralni ured i Općinski odbor LDS BiH Jablanica podnijeli Finansijsko-informatičkoj agenciji za 2019. godini.

<sup>3</sup> Stranka je kao posljednji izvod u 2019. godine dostavila izvod broj: 49 od 02.12.2019. godine.

<sup>4</sup> Akt Općine Doboj-Istok, broj: 03-11-1016/20 od 20.10.2020. godine.

<sup>5</sup> Uvid u Odluku OO LDS BiH Doboj-Istok i izvode sa transakcionog računa Općine Doboj-Istok.

-Stranka je u obrascu 4.1 (režijsko-administrativni i ostali troškovi) Centralnog ureda iskazala troškove u ukupnom iznosu od 17.175,55 KM. U Bilansu uspjeha za 2019. godinu Centralni ured stranke je iskazao rashode u ukupnom iznosu od 18.176,00 KM.

-U godišnjem finansijskom izvještaju, na obrascu 4.1 stranka je iskazala troškove Općinskog odbora LDS BiH Jablanica u iznosu od 9.432,78 KM. Uvidom u Završni račun-Bilans uspjeha OO LDS BiH Jablanica utvrđeno je da su rashodi ovog odbora iznosili 7.887,00 KM.

(6) Politička stranka nije uspostavila evidencije o svojim obavezama, niti je na obrascu 5 (obaveze) godišnjeg finansijskog izvještaja iskazala tačne podatke o svojim obavezama na dan 31.12.2019. godine, čime je prekršila odredbe člana 24. Pravilnika.

- Podaci o obavezama Centralnog ureda koje je stranka iskazala u godišnjem finansijskom izvještaju ne odgovaraju podacima iz Završnog računa za 2019. godinu.

Uvidom u Bilans stanja Centralnog ureda na dan 31.12.2019. godine utvrđeno je da su obaveze iznosile ukupno 113.652,00 KM.

Stranka je, međutim, u godišnjem finansijskom izvještaju iskazala obaveze Centralnog ureda u ukupnom iznosu od 112.633,88 KM. U obrascu 5.1 (obaveze po kreditima i pozajmicama) stranka je iskazala obaveze Centralnog ureda prema fizičkim licima u ukupnom iznosu od 11.000,00 KM, dok je u obrascu 5.2 (ostale obaveze) iskazala obaveze prema dobavljačima na dan 31.12.2019. godine u ukupnom iznosu od 101.633,88 KM, i to: obaveze prema Službi za zajedničke poslove BiH u iznosu od 43.970,65 KM, obaveze prema VIA MEDIA Sarajevo u iznosu od 16.925,45 KM i obaveze prema ostalim dobavljačima u iznosu od 40.737,78 KM. Za sve obaveze u obrascu 5.2 stranka je navela da su nastale 2008. godine.

U skladu sa odredbama člana 24. Pravilnika, politička stranka je dužna da obaveze iskaže prema svakom povjeriocu pojedinačno, te da navede datum nastanka obaveze i iznos obaveze na određeni dan, odnosno zadnji dan izvještajnog perioda.

Pored navedenog, utvrđeno je da obaveze stranke prema Službi za zajedničke poslove organa i tijela Federacije BiH i pravnom licu VIA MEDIA nisu pravilno iskazane, te da stranka u obrascu 5.2 nije navela tačan naziv dobavljača.

1. Stranka je u obrascu 5.2 iskazala obaveze prema Službi za zajedničke poslove BiH u iznosu od 43.970,65 KM.

Uvidom u sporazume o izmirenju duga od 22.01.2020. godine i 26.02.2020. godine koji su zaključeni sa Službom za zajedničke poslove organa i tijela Federacije Bosne i Hercegovine, utvrđeno je da su obaveze Liberalno demokratske stranke BiH prema ovoj Službi, a po osnovu presuda Općinskog suda u Sarajevu iznosile ukupno 63.316,50 KM, od čega glavnica 60.245,88 KM, a troškovi parničnog postupka 3.070,62 KM.

2. Liberalno demokratska stranka BiH je u godišnjem finansijskom izvještaju za 2019. godinu iskazala obaveze prema pravnom licu VIA MEDIA u iznosu od 16.925,45 KM.

U Izvještaju o pregledu godišnjeg finansijskog izvještaja za 2018. godinu, broj: 03-07-6-313/19 od 12.08.2020. godine, konstatovano je da je na osnovu presude Kantonalnog suda u Sarajevu, broj: 65 0 Ps 014698 10 Pz2 od 15.10.2012. godine, utvrđeno da dug Liberalno demokratske stranke BiH prema pravnom licu VIA MEDIA iznosi 28.125,45 KM, te obaveza za troškove parničnog postupka u iznosu od 7.194,50 KM.

U postupku pregleda godišnjeg finansijskog izvještaja za 2019. godinu, a imajući u vidu da nisu dostavljene poslovne knjige stranke kao ni izvod otvorenih stavki na dan 31.12.2019. godine, nije utvrđeno da je stranka vršila plaćanje obaveza prema ovom pravnom licu u toku 2019. godine.



- Uvidom u finansijske izvještaje Liberalno demokratske stranke BiH za 2018. godinu, utvrđeno je da su u obrascu 5 godišnjeg finansijskog izvještaja za 2019. godinu obaveze iskazane u identičnom iznosu<sup>6</sup>, iako je stranka svake godine imala transakcije sa dobavljačima, što ukazuje da politička stranka ne vodi evidencije o svojim obavezama, te da iz godine u godinu iskazuje obaveze u istom iznosu. Napominjemo da je Služba za reviziju i u Izvještaju o pregledu godišnjeg finansijskog izvještaja za 2018. godinu konstatovala da stranka iskazuje iste podatke o obavezama duži vremenski period.
- (7) Liberalno demokratska stranka BiH nije dostavila svu dodatnu dokumentaciju, čime je prekršila odredbe člana 12. stav (5) Zakona o finansiranju političkih stranaka.

Dana 25.09.2020. godine, Centralna izborna komisija BiH je stranci uputila Zahtjev za dostavljanje dodatne dokumentacije za 2019. godinu, broj: 03-07-6-379-2/20, kojim je od stranke zatraženo da dostavi: Bruto bilans stranke na dan 31.12.2019. godine, Glavnu knjigu političke stranke sa kompletnim analitičkim evidencijama u periodu od 01.01.2019. do 31.12.2019. godine, dokumentaciju o korištenju poslovnih prostora u 2019. godini, kopiju izvoda sa transakcijskog računa broj: 1990490005093420 kod „Sparkasse banke“, računa broj: 3383102200358781 i 19000104801883446 kod Unicredit banke d.d i računa broj: 16060000031442 kod Vakufske banke d.d za period 01.01.-31.12.2019. godine, dokumentaciju za nenovčane donacije (ugovori o zakupu, izjave i sl.), analitiku obaveza prema ostalim dobavljačima u iznosu od 40.737,78 KM, Završni račun (bilans stanja i bilans uspjeha) za 2019. godinu, kopiju ugovora o pozajmicama na iznos od 14.345,00 KM, dokumentaciju za ostvarene ostale prihode u iznosu od 1.291,00 KM i Izvode otvorenih stavki na dan 31.12.2019. godine za pravna lica: Služba za zajedničke poslove Federacije BiH i Via Medija Sarajevo.

Stranka je dana 12.10.2020. godine, dostavila sljedeće: Završni račun za Centralni ured stranke (bilans stanja i bilans uspjeha) za 2019. godinu, kopije ugovora o pozajmicama za Centralni ured stranke u Sarajevu, kopije izvoda sa transakcijskih računa broj: 3389104801883446 kod Unicredit banke d.d. i kopiju Sporazuma o izmirenju duga sa Službom za zajedničke poslove Federacije BiH.

Dana 28.06.2021. godine stranka je dostavila kopiju izvoda sa transakcijskog računa broj: 3383102200358781 kod Unicredit banke d.d, te izvode sa računa broj: 16060000031442 kod Vakufske banke<sup>7</sup>.

S obzirom da stranka nije postupila u skladu sa zahtjevom Centralne izborne komisije BiH, odnosno nije dostavila svu traženu dokumentaciju, prekršila je odredbe člana 12. stav (5) Zakona o finansiranju političkih stranaka, te ograničila djelokrug kontrole njenog finansijskog izvještaja.

## 5.2 PREPORUKE

***Preporučuje se Liberalno demokratskoj stranci BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da finansijska sredstva obezbijedena za finansiranje stranke koristi u skladu sa statutom i finansijskim planom utroška sredstava,***

<sup>6</sup> Obaveze LDS BiH za 2018. godinu iskazane u iznosu od 115.978,90 KM, u istom iznosu iskazane i za 2019. godinu.

<sup>7</sup> Općinski odbor LDS Jabalanica dostavio je 29.06.2021. godine putem e-maila dio izvoda Vakufske banke za period 01.01.-02.12.2019. godine, nedostaju izvodi za novembar i decembar. Zadnji izvod je broj: 49 od 02.12.2019.godine.

- *da poslovne knjige vodi u skladu sa računovodstvenim propisima, odnosno da vodi potpune evidencije o prihodima, rashodima i obavezama stranke,*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanom roku i popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja traženu dodatnu finansijsku dokumentaciju.*

**KOMENTAR:**

U ostavljenom roku, Liberalno demokratska stranka BiH nije se očitovala na mišljenje revizora i nalaze revizije date u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove

Sanja Tošović

Šef Službe za reviziju

Mr. sc. Hasida Gušić